

O meu neno de cristal

Letra: Carme López Taboada / Voz: Alba Gutiérrez

Tradicional/Xabier Díaz/Guillermo Fernández

Ala ron, ron, ron,
durme, meu neninho,
ala ron, ron, ron,
durme, meu amor.

Ala ron, ron, ron...

O meu neno está no berce,
o meu neno de cristal.
As súas bágoas son de prata,
as meixelas de coral.

O meu neno está no berce
e eu non canso de o arrolar.
Os seus ollos son de ouro.
Calará ou non calará?

Ala ron, ron, ron...

O meu neno está no berce,
os olliños vai pechar.
Canta o moucho, cae a noite,
o meu neno dorme xa.

O meu neno está no berce
e eu non deixo de o vixiar.
Voan as ás agoreiras.
Soñará... que soñará?

Ala ron, ron, ron...